



Презе КОММУНИСТ

ВЛКСМ
Маробком
ден
Горком
орган

ТЕЛЕ КАНИКУЛЫМ КУЛЬТУРНО да ВЕСЕЛАН ЭРТАРАШ

Таче пиалан советский школьник-шамычлан каныме жап—теле каникул туналеш. Первый полугодийым успешно завершитлен, самырык сталинский поколений кугешнымаш дене канаш, ончыклан, окымшо полугодийыште тыгак успешно унемашлан у, свежий вийым погаш туналеш.

Марийский республикыште шуко школлаште каникуллан шукертак ямдылалташ тунгалыныт. Йошкар Олаште 6 номеран средний школа тиде шотышто шуко мероприятий-шамычым наметитлен. Каникулым сайын эртарышаш. Начальный ден средний классласе ученик-шамычлан елка лиеш, 8—9—10 класслаште унемше-шамычлан школышто военный гра организоватлаш.

Шернур педучилище теле каникул капыште интересный, чапле мероприятий-шамычым эртара. Социалистический оревнованийыш ужмо Параньга, М. — Билмор педучилище-шамыч дене пырля интернациональный вечер лиеш. Тыште ум национальность—руш, марий, татар—унемше-шамыч первый полугодийын результатше дене, шке тунемме успешышт дене обмениватлалташ туналыт. Тиде ден 23 декабрь мучко фронт-шамычлан педучилище шке коклаштышт лыжный соревнованияным эртарат.

Культурный учреждений-шамыч школьник-шамычым куанен вашлийыт. Йошкар Оласе „Рекорд“ кинотеатр каникул жапыште йоча-шамычлан келшыше—„Федька“, „Девочка Мая в Первое мая“, „Золотой ключик“ да моло сылне картина-шамычым демонстрироватлаш туналеш.

Каникулым сайын эртармаште комсомольский организаций-шамычын ответственностьшт пеш кугу. Но але марте ВЛКСМ южо райком-шамыч каникуллан ямдылалташ пеш шагал ыштеныт. ВЛКСМ ЦК райкомол, горкомол, первичный комсомольский организаций-шамычым школлаште да йоча портлаште теле каникулым успешно эртарымашым обеспечитлаш обязатлен.

Роно, физкультура ден спорт паша дене Комитет, Осоавиахим дене пырля комсомольский организаций-шамыч теле каникул кечылаште елкым, утренникым, вечерым, массовый пайремым организаватлаш улыт. Мемнан элын эн сай энже-шамыч дене, Верховный Совет-шамычын депутатштыште дене, Советский Союзын Геройжо-шамыч дене, орденосец-шамыч дене, Йошкар Армиин командирышт дене, наукин да искусствын пашаенышт дене школьник-шамычын вашлиймашыштым организаватлаш. Художественный самодеятельность вечер-шамычым, „ГТО“, „БГТО“ начоклан нормым сдатлымашым организаватлыман.

Клублаште, Детский Технический Станциялаште комсомольский организаций-шамыч турло вечерым, модышым организаватлаш улыт. Кружок-шамычын пашаштым поснак чот вияндыман.

Тидым ышташ чыла условий уло, каникулым культурно да веселан эртарымаш мемнан деч гына, комсомольский руководитель-шамыч деч зависитла.



Йошкар-Ола 38 номеран окружной избирательный комитетин председателыже М. Н. Санин йолташ горсоветыш депутатлан сайлыме комсомолка М. П. Скобелева йолташлан удостоверенийым вручатла.

фото М. Чуршуковын.

Ленинградский военный округ штабын оперативный сводкыжо-шамыч

23 декабрь мучко фронт-шамычлан тунгалыныт. Лийше воздушный бойлаште противникын 16 самолетшым волтен шумо.

24 декабрь мучко Калининский перешейкыште серьезный разведывательный столкновений-шамычым шотлаш огыл гын, кудын результатшытыже финский войска-шамыч бой-шамычлан вереш 971 еным колышым коденыт да тиде годым мемнан-шамыч 35 еным пленныш налыныт, нунын кокла гыч 4 офицер, фронтлаште нимо ответственный лийын огыл.

25 декабрь мучко фронтлаште ятыр районлаште серьезный столкновений-шамычым савырныше разведывательный часть-шамычын стыкышт лийыныт. Суомусальми местечка районшты мемнан разведывательный часть-шамыч тушманлап серьезный пораженийым ыштеныт да тушманын укрепленный позицийже-шамычым занима-леныт.

Иоломантси районшты 26 декабрь мучко разведывательный часть-шамычын кугуак огыл стычка лиеден да ятыр районшты так артиллерий дене вашлуйкаленыт.

27 декабрь мучко фронт-шамычлан тунгалыныт. Мемнан авиаций разведкыштым чонгештылын.

28 декабрь мучко фронт-шамычлан тунгалыныт. Мемнан авиаций разведкыштым чонгештылын.

Увертарымаш

1940 ийын 13 январыште 10 час эрдене Марийский АССР Верховный Советын заседаний залешыже Марийский республикысе комсомольский активын Областной собранийже лиеш. Ончышаш паша:

ВЛКСМ ЦК X пленумын итогыжо нерген.
ВЛКСМ Маробком.

ЛЕНИН—СТАЛИН ЗНАМЯ ДЕНЕ ОНЧЫКО, У СЕНГЫМАШКЕ!

Эше ик кече гына, вара у ий—1940 ий тунгалеш. Путинь советский калык тужем индеш шудо кумло индешымше ийым кугу куанымаш дене ужата да куанен, ушанлын у ийым вашлиеш.

Мемнан элыште кажне ий эре утларак да утларак кугу сенымаш-шамыч дене ознаменоватлаш. Кажне ий Советский Союзлан у да у сенымаш-шамычым, у да у достижений-шамычым конда, социалистический державым утларак виянда да куатанда. Героический советский калыкым кажне у ий эре утларак да утларак коммунизмыш лишемда.

1939 ий моткоч важный исторический событий-шамыч дене темалтын. ВКП(б)-н XVIII с'ездыштыже великий вождь Сталин йолташ мланна коммунизмыш кайме корным волгалтарен ончыктен. Большевицкий партийын XVIII исторический с'ездше социализм строительством завершитлыме да коммунизмыш постепенно вончымо программым пуэн.

1939 ийыште социалистический промышленность утларак пеггыдемын, развиватлаштын. Москваште лийше Всесоюзный ял озанлык выставка социалистический ял озанлыкын всемирно-исторический достиженийже-шамычым демонстрироватлен. Мемнан элыште гына культура, наука, искусство пеледеш.

1939 ийыште Йошкар Арми шкенжын исторический миссийжым Западныи Украиныште да Западный Белоруссийыште моткоч чаплын шуктен: 1940 ийым советский калык 183 миллионан лийын вашлиеш. Западный Украинесе да Западныи Белоруссийысе шемер калык 1939 ийым да тудым освободитлыше гениальный Сталиным курымеш шарнаш тунгалеш.

1939 ий—Советский Союзын внешний политикиштыже чапле успех-шамычым ыштыме ий. СССР ден Германия коклаште дружба да граница нерген договорым заключатлымаш, Советский Союз ден Эстония, Латвия да Литва коклаште пакт-шамычым заключатлымаш Восточный Европышто мирлан прочный основным создатленыт. СССР ден Финляндский Демократический Республика коклаште вашполшымаш ден дружба нерген договорым подписатлымаш Ленинградын безопасностьшым, а значит, Советский Союзын безопасностьшым обеспечитлен.

1939 ийым шемер депутат-шамычын местный Советлашкышт сайлымаш—путинь советский калыкын морально-политический единствожым куатлын демонстрироватлымаш завершитлен. Тиде всенародный пайрем мемнан шарнымаштына але тенгече лиймыла чучеш. Властын местный органлашкыже сайлымаште избиратель-шамычын общий количествыже гыч Москваште—99,81 процент, Ленинградыште—99,66 процент, Киевыште—99,5 процент, Минскыште—99,97 процент участвоватлен.

1939 ийым путинь советский молодежь государственный да хозяйственный пашаште активно участвоватлымаш д не ознаменоватлен. Пиалан молодежь у ийым куанен вашлиеш, ончыко, мемнан партийын да великий Сталинын вуйлатымаш дене у сенымаш-шамычым ыштышашлан тунемаш, пашам ышташ, кучедалаш ямде улеш.



Тений местный Советлашке сайлымаште первой участвоватлыше комсомолка-шамыч Н. В. Минаева, А. И. Желонкина да Ф. Н. Куклина йолташ-шамыч

Фото М. Чуршуковин.

Марийский АССР-ыште шемер депутат-шамычын местный Советлашкышт сайлыме результат-шамыч

Шемер депутат-шамычын районный Советлашкышт сайлыме годым 285.874 избиратель гыч голосованыште 283.244 ег участвоватлен, тиде избиратель-шамычын общий количествышт гыч 99 процентым составятла. Коммунист ден беспартийный-шамыч сталинский блокын кандидатышт верч 279.422 ег голосоватлен, тиде 98,72 процентым составятла.

Действительный огылан признатлыме бюллетень-шамыч—223, депутатыш кандидатышамычын фамилийштым удиралман бюллетень-шамыч—3.601.

Шемер депутат-шамычын районный Советлашкышт сайлымашлан чыла 565 избирательный округлаште коммунист ден беспартийный-шамыч сталинский блокын кандидатыштым сайлыме. Сайлыме депутат-шамычын 565 ег общий количествышт гыч—пёр'ег—377, удрамах—188, коммунист—328 да беспартийный—237.

Шемер депутат-шамычын городской Советлашкышт сайлыме годым 23.172 избиратель гыч голосованыште 23.152 ег участвоватлен, тиде 99,29 процентым составятла. Коммунист ден беспартийный-шамыч сталинский блокын кандидатышт верч 22.716 ег голосоватлен, тиде 98,49 процентым составятла.

Действительный огылан признатлыме бюллетень-шамыч—26, фамилийым удиралман бюллетень-шамыч—410.

Шемер депутат-шамычын городской Советлашкышт сайлымашлан чыла 111 избирательный округлаште 111 депутат сайлыме, Городской Советлашке сайлыме депутат-шамычын общий количествышт гыч пёр'ег—70 ег, удрамах—41 ег, коммунист—68 ег, беспартийный—43 ег.

Шемер депутат-шамычын сельский ден поселковый Советлашкышт сайлыме годым 280.398 избиратель гыч голосованыште 277.357 ег участвоватлен, тиде

98,92 процентым составятла. Коммунист ден беспартийный-шамыч сталинский блокын кандидатышт верч 270.216 ег голосоватлен, кудо 97,41 процентым составятла.

Действительный огылан признатлыме бюллетень-шамыч 422, депутатыш кандидатышамычын фамилийштым удиралман бюллетень-шамыч—7.159.

Шемер депутат-шамычын сельский ден поселковый Советлашкышт сайлымашлан чыла 4.600 избирательный округлаште 4.599 депутат сайлыме. Нунин кокла гыч пёр'ег—3.159 ег, удрамах—1.440 ег, коммунист—548 ег, беспартийный—4.051 ег.

Шемер депутат-шамычын сельский ден поселковый Советлашкышт сайлымашлан 4.600 округ гыч У-Тор'ял районысо шемер депутат-шамычын Апшатурский сельский Советыш сайлашлан 13-шо округ деч ик ег сайлалтын огыл.

МАССР Верховный Совет Президиум. 1939 ий 27 декабрь. Йошкар-Ола, Совет Пёрт.

Йошкар-Ола горсоветыш сайлыме результат

1939 ий 24 декабрьлан Йошкар-Олаште избиратель-шамыч чылаже 17.752 ег. Голосованыште 17.738 ег але 99,92 процентше участвоватлен. Голосованыште участийым приматлыше-шамыч количество гыч коммунист ден беспартийный-шамыч блокын кандидатышт верч 17.409 ег але 98,15 процент голосоватлен.

Бюллетень-шамыч кокла гыч 23 бюллетень недействительныйлан шотлалтын да 301 бюллетеньште кан-

дидат-шамычын фамилийштым удиралме.

Коммунист ден беспартийный-шамыч блокын выставитлыме чыла кандидат-шамыч Йошкар-Ола горсоветыш депутатлан сайлалтын. Нунин кокла гыч 49 пёр'ег, 27 удрамах, ВКП(б) член ден кандидат-шамыч—38 ег, беспартийный—38 ег.

Шемер депутат-шамыч Йошкар-Ола горсовет депутатыш сайлашлан городской избирательный комитет председател Кобзов.

Калыкын самырык избранникше-шамыч

Шемер депутат-шамычын местный Советлашке достойный, калык пашалан преданный улшо ег-шамычым единодушно сайлен, советский калык эше ик гана шке единствожым, Ленин—Сталин партий йыр пентгыдын сплотитлалтыжым демонстрироватлыш. Сайлымашын пеш чапле итогшым подводитлыме.

Шернур районный Советыш производствын стахановецше-шамыч, калыкын ушанле енге-шамыч сайлалтын. Теве, Елена Ивановна Шарабуева, „У пасу“ колхоз пеленсе первичный комсомольский организацийын секретарьже, тудо колхозный молодежь дене пашам моштен ышта, комсомолец-шамычым колхозын пашажым честно шуктымашке мобилизоватла. Шарабуева йолташым Шернур райсовет депутатыш единодушно сайлен. Тыгак „КИМ“ колхозын стахановкаже, комсомолка Клавдия Федоровна Макарова йолташлан Шернур районный Советыш сайлымаште шудо процентлан йук пуалтын.

„Колос“ колхозысо медпунктын фельдшерикаже, активный комсомолка, инициативный общественница

Ульяна Павловна Бастркова йолташ колхозник ден колхозница-шамыч коклаште кугу пашам ыштен шога. Калыкын тазалыкше верч кечын заботитла. Садлан „Колос“ колхозын колхозникше-шамыч 34 № избирательный округ деч Бастркова йолташым Волжский райсоветын депутатыш сайлышт.

Куженер район, „Нольку“ колхозын льноводкаже—комсомолка К. Е. Милутина Куженерский райсовета, „Ленин корно“ колхозын (Волжский район) председателже—комсомолец В. Т. Лебедев йолташ Волжский райсоветын самырык депутатше улыт.

Советский калык шке избранникше-шамычлан кугу чествым да доверийым оказатлен—государственный деятельностьшто участвоватлаш. Тиде кугу пашам самырык депутат-шамыч честв дене шуктат.

В. А. Яковлев.

Күкшö урожайым налшаш верч

Параньга районысо „Марий“ колхоз ий еда пентгыдемьн толеш. Колхозым организоватлыме годым нимогай ял озанлык машина уке ыле гын, кызыт 2 молотилка, 2 жнейка, 1 сенокосилка да 1 сеялка уло. Тлеч посна колхозышто трактор пашам ышта.

Колхоз минеральный ден местный удобренийым кумдан кучылтеш. Кодшо ийлаште пасушко ятыр терысым, торфым да минеральный удобренийым лукмо.

Почвым тыге удобритьме да тудым машина дене обработатлыме дене 1939 ийыште гектар гыч урожайым 12,4 центнер дене пырчан шурным налме.

„Марий“ колхоз кызыт 1940 ийыште күкшö урожайым налшаш верч виян ямдылалтеш. Урлыкшым ситышын сортироватлыме да кукшо верыш опыто.

А. А. Иванов.

Шошо агалан образцово ямдылалтман

Морко районышто ятыр колхоз-шамыч шошо агалан образцово ямдылалташ туналыныт.

„Палантай“ колхоз шошо агалан тұрыс ямдылалтын шуын. Ял озанлык инвентарь-шамычым—14 плугым, 18 тырмам да 30 оравам ремонттироватлен кукшо верышке поген шындыме. Урлыкш шурным (шұлым, пурсам, шыдагым, викум) 100 процентлан ситышын сортироватлен пыштыме. Мланде уандашлан 300 воз терсым пасушко лукмо.

„Коммунизм“ колхозат шошо агалан начар огыл ямдылалтын. Ял озанлык инвентарь-шамыч, 10 плуг, 19 орава да моло кулеш машина-шамыч тұрыс ремонттироватлыме да кукшо верыште улыт. Тылеч посна урлыкш шурно 100 процентлан сортироватлыме.

Тыгак „Мастар вий“, „Искра“, „Пайгатнур“, Калинин лумеш да молат шошо агалан ямдылалтыт. Но южо колхозышто тиде важный хозяйственный кампанийлан начар ямдылалтыт. Теве „Вончо“ колхоз але мартеат шошо агалан ямдылалташ туналын огыл. Ял озанлык инвентарь-шамыч ремонттироватлыде шалан кият. Урлыкш шурно ямде огыл. Кылтам эше шийын пытарыме огыл. Тыгай вараш кодмашым пытарен, ончыл колхоз-шамыч деч примерым налын шошо агалан образцово ямдылалташ пикаш кулеш.

Сергей Зчан.

18 кубометр гыч

Кугу Какшан Лестранкозын (Йошкар-Ола район) постоянный кадр пашазыже-шамыч пашам стахановски ыштыме дене кечаш нормым 300 процентлан темат. Теве Кудрявцев дене Москвин йолташ-шамыч кечыште 6 кубометр олмеш лучковый пила дене 18 кубометр гыч руат.



Сайлыме кечын Йошкар-Оласе 13 избирательный участкын каныме компатыштыже.

Фото М. Чуршуковин.

КРУЖОК-ШАМЫЧЫН ПАШАШТ САМОТЕКЫШТО

ВЛКСМ Йошкар-Ола горком „ВКП(б) историйым“ самостоятельно тунемаш ямдылат шудымо комсомолец-шамычлан кружокым организаватлен. Нине кружок-шамыч дене 164 комсомолец охватилме. Горкомол кружок-шамычым шукертак создатлен. Южо кружокшо ынде идалыкаш пашаже нергенат итогым ыштышаш, ик ий мучко мом ыштымыжым ончал налшаш да ончыко пашам утларак сайын шындышаш нерген вывод-шамычым ыштышаш.

Но кружок-шамыч кузе вара итогым ыштен кертят, если нунын кокла гыч южыжо идалык мучко пашам моткоч начар ыштен? Кружок-шамыч пашам начар ыштен гын, горкомолын пашаенже-шамыч мом онченит?

Южо кружок-шамычым октябрьште велэ организаватлыме гынат, нуно шке пашаштым начар огыл ыштит.

Теве Марийский АССР НКВД пеленсе М. Ф. Иванов йолташын руководитлыме кружокшо 1939 ийын 25 октябрь гыч пашам ыштит тунгалын. Кружокышко 13 комсомолец ик занятии кодыде коштыт. Иванов йолташ чылаже 5 занятиим эртарен. Занятиишке кайме деч ончыч Иванов йолташ да тыгак комсомолец-шамыч сайын ямдылаттыт. Слушатель-шамыч Е. И. Козина, З. М. Тарасова, Пономарева йолташ-шамыч кеч могай вопрослан точный, раш ответым пуэн моштат. Слушатель-шамыч эреак лекциишке коштыт.

Но ВЛКСМ Йошкар-Ола горком пашам сайын ыштыше тиде кружокын опытышым моло пропагандист-шамычлан предаватлымаш-

те нимом ыштен огыл манаш лиеш.

Марпрофтехшколышто „ВКП(б) историй“ тунемашлан кружокым 1939 ийын сентябрь тылзыште организаватлыме, но таче мартен пропагандист Мартынов йолташ чылажат 3 занятиим гына ик час дене эртарен. Слушатель-шамычлан материалым сайын умылтарыме олмеш—конспектым возыза, мӱнгышӱ проработатлыза маньш каласа да тидын дене занятиим пытара велэ. Саллан 25 слушатель кокла гыч шукыжо—крепостной правам кунам отменитлыме, — да моло тыгай элементарный вопрос - шамычланаш вашмутым пуэн огыт керт. А вет нуно первый главам пуйто „изучатленит“. Тыгеже, „ВКП(б) историйым“ изучатлымашке пропагандист Мартынов йолташ халатно, нигогай ответственность деч посна ответствен. ВЛКСМ горком тыгай формальный отношением пытарашлан шке жапыштыже мерым приниматлен огыл, горкомолын пропаганда дене секретарьже Архипов йолташ да инструктор Никитина йолташ занятиишке ик ганат миен огытыл. Тыгач теве мо коеш, — горкомол пропагандист-шамычым ойырымашке формально относилден да нунын пашаштым огеш проверятле, нунын дене ок руководитле.

„Труженица“ артель пеленсе кружокыштат тыгак начар положений. Кружокым 1938 ийын ноябрь тылзыште организаватлыме. Идалык мучко пропагандист-шамычым вашталтыме: чылаже 3 пропагандист лиын. Пытартыш жапыште ВЛКСМ горком пропагандистлан ял озанлык техникумун студентшым Соко-

лов йолташым выделитлен, но тудо але ик гана велэ занятиим эртарен.

Горкомол, очини, тыгешона, пуйто кружок-шамычын пашашт пропагандист-шамычым выделитлыме дене шкеак саемеш, пуйто кружок-шамычым руководитлыме ок кул. Вет идалыкат ик тылзе жапыште тиде кружокын занятииштыже горкомол гыч ик гана велэ лиыныт.

Посна комсомолец-шамыч занятиишке йӱршеш ямдылатде коштыт, нунын кокла гыч кок ен гына конспектым воза. Кружок 5 главам изучатлен гынат, южо комсомолец-шамыч „ВКП(б) историй краткий курс“ гыч элементарный положенийым огыт шинче. Слушатель-шамычлан тыгай элементарный вопросым пумо ыле: „Освобождение труда“ группым кунам организаватлыме?

Тиде вопрослан нуно турло „вашмутым“ пуэныт. А. Е. Козлова йолташ—„чылаже, кунам шарнен шуктет“—маньш оила.

К. Д. Горикова йолташ—„мы й тиде вопрослан эрла каласем“—манеш.

РСДРП-ын II-шо съезде кунам лиын маньш йодмылан Е. И. Волкова ден Е. А. Андреева йолташ-шамыч деч кучык „ответ“ лиын—„1917 ийыште“.

Теве икмынар вопиющий факт-шамыч ВКП(б) историйым изучатлымашке ВЛКСМ горкомын несерьезный отношением раш ончыктат.

Марксистско—ленинский теорий дене начарын овладатлымаш комсомолец-шамычын практический пашаштыштат отражатлатеш. Посна комсомолец-шамыч пашашке сознательно огыт подходитле, паша нормым—огыт теме. Ноябрь

тылзылан вышивальный пещыште ыштыше комсомолец-шамыч Н. Логинова 44,4 процентлан, З. Рыбакова 48,5 процентлан, А. Степанова 52,5 процентлан гына паша нормым теменит.

Заготзерно пеленсе кружокышто пропагандистлан З. М. Сидорова йолташ ышта. Тудо беседым сайын эртарат гынат, посна комсомолец-шамыч занятиишке йӱршеш ямдылатде коштыт.

Кружок-шамычын начар пашаштым ВЛКСМ Йошкар-Ола горком ок шинче манаш ок лий, туге гынат пропаганда дене секретарь Архипов йолташ пашам саемдашлан нигогай мерым приниматлен огыл.

Тудо кружок-шамычын пашаштым самотекыш кудалтен, нунын конкретный полишым пуэн огыл, пропагандист-шамыч дене кабинет гыч, „руководитлен“. Ончыкыжым тыгай положений чытыдыме. Кружок-шамычын пашаштым кучык жапыште решительно саемдыман.

Вас. Борисов.

Тунемше-шамыч культурно канаш тунгалыт

Йошкар-Оласе ВЛКСМ-н XX идалыкше лумеш педагогический училищыште тунемше-шамычын вучымо кечышт толын шуын. Таче нуно, тунемме ийын первый полугодийжылан итогым ыштен, теле каникулыш каят. Тунемше-шамыч каникулым веселан, культурно эртараш шонат.

Тунемше-шамычлан теле каникул жапыште 2 гана звуковой кинофильм ончыкталташ; театрыш, 4 гана катокыш коньки дене мунчалташ коллективно лекмаш организаватлатеш. Тыгак лыжный вылазка, прогулка-шамыч лийыт, тидын дене пырля тунемше-шамыч БГТО, ГТО да Ворошиловский стрелок значоклан нормым сдатлаш тунгалыт.

Педагогический училищын красный уголокшо сайын оборудоватлыме. Тыштат тунемше-шамычлан теле каникулым сайын эртараш чыла условий уло.

Москвин.



Медведевский средний школы (Йошкар-Ола район) красный уголокыштыжо. Снимкыште: тунемше-шамыч шахмат дене модыт. Фото М. Чуршуковын.

Школьный комсомольский организацийын пашажым саемдаш

Пытартыш ийлаште Марийский республикыште школьный комсомольский организаций - шамыч шке радамыштым куштымаш да пенгыдемдымаште пашаштым икмынар саемденит. 1938 ийыште школлаште 7349 комсомолец ыле гын, тений октябрьлан 8266 комсомолец лиын. Посна школьный первичный комсомольский организаций-шамыч школышто руководящий рольым модыт да кугу авторитет дене пользаватлат. Но южо школлаште комсомольский организаций-шамыч пашам йӱршеш ситыдымын ыштат.

Ронга средний школа пеленсе комсомольский организаций да тудын секретарьже И. В. Лукин йолташ комсомольский организацийым куштымаште пашам пеш начарын ышта. Тений сентябрь тылзе гыч таче кече мартен чылажат 15 ен гыч велэ комсомолышко пуртымо. Лукин йолташ 1939 ийыште комсомольский организаций кунар

енлан куштымаш да огешат пале.

Первичный комсомольский организаций школышто дисциплиным пенгыдемдышаш верч, успеваемостьым саемдышаш верч нимынарат кучедалын огыл. Комсомолец-шамыч тунеммашке кузерак относитлат, класслаште могай рольым иметлат, тидын нерген комсомольский комитет интересоватлен огыл. Теве 10-шо классыште Куклин, Бахтин, 6-шо „А“ классыште Чепайкин, Пирогов школышто дисциплиным чучкыдын нарушатлат, учительын мутшым огыт колышт.

Посна комсомолец-шамыч 9-ше классыште тунемше Марченков, 10-шо классыште Рожкина Зоя да молат кажне тылзын „плохо“ отметкым налыт.

Школышто 530 тунемше кокла гыч ик отличник да 4 ударник велэ. Тиде отличникшат кокымшо чырыкыште южо предмет дене посредственный отметкым

налын. Комсомольский организаций велым отличница В. Романова йолташлан нигогай полиш лиын огыл.

Ронго средний школа пеленсе комсомольский организаций шке ончыломо шогышо задача-шамычым успешно решитлымашке несерьезно, комсомольский огыл относилтен. Вет школысо комсомольский организаций эн ончычак железный сознательный дисциплина верч, тунеммын качествыжым саемдышаш верч, комсомольский организацийын составшым саемдышаш верч, тунемше—комсомолец-шамычым идейно-политический да организационно воспитатлышаш верч, социалистический государствылан достойный ен-шамычым ямдылышаш верч кажне кечын кучедалаш. Но комсомольский организаций нине важный да главный задача-шамычым шуктымашке кулеш вниманийым ойырен огыл.

Школышто дисциплиным пенгыдемдымаште, успеваемостьым кулеш кучкытышкыко нӱлталмаште учитель кугу рольым модшаш. Учи-

тель—тиде школышто главный фигура, партийын доверитлыме енже. Учителылан большевистски полшыман—теве комсомольский организацийын обязанностьшо. Туге гынат, комсомольский организаций учитель-шамычлан йӱршеш полшен огыл. Теве естествознание дене учительница А. Гордеева йолташ дисциплиным нарушатлымаш факт-шамыч нерген да начарын тунемше-шамыч нерген комсомольский организацийлан ик гана велэ огыл ойлен. Но комсомольский организаций тудын йодмыжлан вниманийымат обратитлен огыл.

Пионерский организацийланат ситыдымын полишым пуа. Пионерский отрядлашке 9 вожатыим ойырен да тидын дене пашам пытарен. Нине вожатый-шамыч отрядлаште кузерак пашам ыштат, нунын пашатышт могай ситыдымаш-шамыч уледат, кузерак тиде ситыдымаш-шамычым пытарымышым добиватлаш—тыгай вопрос-шамыч комсомольский комитет деч брдышто лиыныт.

Чыла нине серьезный си-

тыдымаш-шамыч ВЛКСМ Ронго райкомын шинча ончылыжак лиыныт. Вет тиде школа райкомол деч 300 метр тораште велэ. Но райкомолын пашаенже-шамыч, эн ондак тудын секретарьже Шестаков да школа отдел дене заведующий Мокесеева йолташ-шамыч школышто комсомолын пашажым недооцениватленит. Нуно школысо комсомольский организацийыште „паша начарын огеш кай, вет тушто культурный вий шуко уло“ маньш кабинетыште шинчымыштла шкеныштым успокоитленит. Школьный комсомольский организациейлашке лектын практический полиш пумаш лиын огыл. Мокесеева йолташ тиде школышко миен гынат, комсомольский организацийын пашаж дене интересоватленат огыл. Школышко пурен лекмыжым полишлан шотлен.

Школьный комсомольский организаций-шамычын пашаштым ВЛКСМ ЦК X пленумын решенийже основеш решительно саемдымашке уло вниманийым ойыраш, нунын дене кажне кечын пашам ышташ.

ИНОСТРАННЫЙ ТЕЛЕГРАММА - ШАМЫЧ

Марианеттин Советский Союзым защищатлен
выступатлымыже

Нью-Йорк, 28 декабрь (ТАСС). „Дейли Уоркер“ газета тыге увертара: Буэнос-Айресыште (Аргентинин столицыже) социалистический пашазе партийын погынымаштыже тиде партийын лидерже Марианетти Советский Союзын политикым шокшын одобритлен да Европысо социалистический партий руководитель-шамычын деятельностиштым резко осуждатлен. Капитализмын агентше-шамыч, Марианетти каласен, таче, 1914 ийысе семынак, шке элысе

империалист-шамычшт почеш каен шогат, война вастареш чын кучедал шогышо-шамычым Францийысе семынак поктылыт. „Ме Блюмым йомдарен улына, — умбакыжым Марианетти каласен, — туге гынат метыште выигратлен улына, что Западный Украины да Западный Белоруссийын 13 миллион населенийже феодальный рабствын игожо дене курымешлан прощаталтын да социалистический строительствыш куснен“.

Неру советско-финляндский отношений
нерген

Кабул, 28 декабрь (ТАСС). Индийский печать индийский национальный конгрессын ожнысо председателыже Неру советско-финляндский отношений нерген заявленийжым публиковатлен.

СССР-ын Финляндия дек требованийже-шамыч йоршеш справедливый ылычманын, заявтышыжла, Неру тыге каласен: „Сомнений лийын ок керт, что СССР Финляндия гоч ямдылыме интервенцийын шучкылыкшо ончылно шоген. Великий советский

Ленинград ола финляндский граница деч улыжат икмыняр милыште гына улеш. Финляндийыште могай военный план-шамыч ышталтыныт ыле, тиде чылаанат пале“.

СССР-ым Лига Наций гыч лукмо нерген вопросом касатлышыжла, Неру каласен: „Лига Нацийын финляндский вопросовшто кенета тичмаш вий дене ончыктымо „активностьшым“ ылыжше мировой война шотышто шыр лийын шогымаш дене танастарет гын, воштылтыш лектеш“.

Финплан
темалтын

„15 лет Октября“ колхоз (Куженер район) IV-ше квартал финпланым тумыс темен. Колхозысо финансист-комсомолец А. И. Липатников йолташ колхозник-шамыч коклаште чарныде умылтармаш пашам колтен шога. Садланак „15 лет Октября“ колхоз ял совет кбргышто ик ончыл верыште улеш.

Л. А. Липатников.

Политинформаций сай
эрта

Куракино средний школышто (Параньга район) сентябрь тылзе годсек арнялан кум гана политинформаций эртаралтеш. Политинформацийым комсомолец-шамыч Н. Шуматов ден В. Павлов йолташ-шамыч эртарат.

Занятий эртарыме деч ончыч нуно сайын ямдылалтыт, садланак политзанятийышке ученик-шамыч кугу куанымаш дене коштыт.

Ф. М. Соколов.

Осоавиахим
организацийым
создатлыме

Сайлыме кече вашеш Фрунзе лумеш колхозышто (Оршанка район) Осоавиахим организацийым организаватлыме ыле. Осоавиахим членлан 15 ен возалтын. Кызыт организаций пашашке пажын.

М. С. Ураков.



„Медик“ студиянын кагокыштыжо. Снимкыште: Марпед-институтын студенткыже-шамыч Н. А. Торошина, К. А. Архипова да Л. Путилова йолташ-шамыч коньки дене мунчалтат.

Паша саемын

Пытаргыш жапыште Иван-Сола средний школа (Куженер район) пеленсе осоавиахимовский организаций пашам ятыр саемден. Кызыт ученик-шамыч ПВХО да ГСО значоклан нормым сдатлаш ямдылалтыт, чарныде ПВХО да

ГСО кружокышко коштыт. Тылеч посна ученик-шамычлан чучкыдын беседа эртаралтеш. Осоавиахим организацийын председателыже Д. С. Тихонов йолташ пашам саемдымаш верч чот тырша.

В. Л. Таньгин.

У организаций

Тений октябрь тылзыште Ленин лумеш колхоз пелен (Шернур район) Осоавиахим организацийым почмо. Осоавиахим членыш 20 ен возалтын.

Төрлатымаш

27 декабрыште лекше 113 (612) номеран „Рвезе Коммунист“ газетын нлымше страницигыже кумышо колонкышто улычын 35 строкаште „луддымашым“ олмеш „лудмашым“ манын лудман.

Критика ден библиографий

„Валериан Куйбышев“ автор Елена Куйбышева
ВЛКСМ ЦК Детиздат 1939 ий. Перевод Н. С. Шавердины; переводым Н. Орешкин
редактироватлен.

Советский калык Валериан Владимирович Куйбышев, тудын героический пашажым, выдающийся государственный деятель улыжым нигунамат ок мондо. Куйбышевын волгыто образце, калыкын пашажлан, Ленин—Сталинын великий пашажлан мушашдыме преданный улыжыо пиалан молодежылан кеч кунамат образце семын служилаш тугалеш. Валериан Владимировичын пенгыде воляже, луддымыжы да мужествоже миллион дене йоча-шамычлан пример лиеш.

Садлан рвезе дене удыр-шамычлан, йоча-шамычлан Куйбышев нерген книга пеш кулешан да шергакан. Теве молан „Валериан Куйбышев“-ын светлыш лекмыжым марийский молодежь, пиалан йоча-шамыч куанен вученыт.

Елена Куйбышева тиде книгаште йоча-шамычлан Валериан Владимирович нерген простой мут-шамыч дене кучыкын возен. Тиде книга лудмо годым тале революционерын йоча улмо жапше, рвезе годсо илышыже, революционерин пашаште, вара государственной пашаште активно участвоватлымыже, киношто улшо лентыл, мемнан ушышто эрта да курымешлан шарнымаш кодаш.

Теве Казахстанысе Кокчетав ола. Тудын ик мугырыштыжо кумда степь шарлен кия, вес мугырыштыжо—тура серан, келге шельшан курык-шамыч йоталат шогат... Мемнан ончылно Кокчетав олесе ик порт суретлалеш. Тиде пу порт, кугу огыл, ик пачашан, йырым-йыр куэ, ломбо

да шаранге шоген. Шошым тиде порт ломбо пеледыш дене левадалтын, а кенжежым садыште түрлб-түрлб пеледыш кушкын. Телым порт йыр лум пургыж погына, тунам шонго куэ-шамычын вуйышт гына чараш кодаш. Тиде портышто изиж годым Воля илен.

Уна, тудо чулым рвезе. Шудыкын ончышо кугу шинчаже эре ала мом шогат, туге гынат тудо чучкыдын весела койышан лийын да „у огай модышым але фокусым шонен луктын“. Теве тудо—замечательный полководец Суворов гай лияш шонышо йоча—изирак-шамычым чолга лияш тунукта. „Воля музыкым да мурым пеш йбретен. Тудо колмо чыла муро семым мандолина дене сайын шоктен мошта ыле, но шке йукшо дене муро семым иктымат мурен пуэн кертын огыл“.

Латный ияш Валериан революционерин пашам ышташ тугалеш. Тунам тудо кадетский корпусышто тунемын, ты годымак пашазе-шамычын собранийлашке коштын, пашазе-шамыч коклаште запрешатлыме политический литературыш шарен. Латкуд ияшыжым РСДРП омский организаций членже лийын.

1905 ийын июнышто Валериан Владимирович кадетский корпусым тунем пятара да августышто Петербургысо Военно-медицинский академияш тунемаш пура. Тиде жапыште Куйбышев йолташ большевистский организацийыште уже активно пашам ыш-

та. Петербургышто 1905 ийысе революционерин событийлаште участвоватла.

Вара арестоватлымаш. Тюрьмаште шинчымаш. Ссылка. Но тудын революционерин пашам ыштымыжым нимо чарен кертын огыл, тудын воляжым нимо курлын ок керт.

Февральский революций. Куйбышев йолташ Самарыште. Варажым фронтышто, 1920 ий гыч тудо профсоюзный, хозяйственный, партийный пашаште. Куйбышев йолташ крупный государственный да партийный деятель.

И вот шучко минута. Палач бандит-шамычын кидышт дене Куйбышев йолташ боевой постеш кола.

„Чолга, весела, шыма, тыршыше, йбретиме, шергакан Валерианым ме тедла огына уж.“

„Валериан Владимирович йоча-шамыч верч эрек тыршен. Уло вийжым пашазе классын пашажлан пушо Валериан Владимировичын илышыже шуко миллион йоча-шамычлан пример лиеш.“

Тыге Елена Куйбышева книгаже пытаралтеш.

Валериан Куйбышев гай революционер нерген книга кускарыме годым переводчикын да редакторын особенно кугу ответственностьшты лийман. Но марий йылмышке тиде книга кускарымаште ситыдымаш-шамычым ятыр ыштылме. Основной ситыдымаш теве мошто: переводчик переводитлымыже годым шке рольжым монден, садлан героический илыш нерген тиде чапле книга механический перепечатчик семын кусарен. Конечно, түрлб книга түрлб семын кусараш лиеш, но „Валериан Куйбышев“ книга да вообще тудын гай революционер нерген возымо книгагнутренний переживаний деч посна, келге чувств деч посна переводитлаш гын, тиде меха-

нический передаватлымаш лиеш. Безусловно, переводим автор семын ышташ кулеш. Тидежым мон означатла? А теве мом. Книгагнутре кускарыман, пуйто переводчик книга гыч огыл марий йылмышке передаватла, а шкак автор улеш, шкак ужы, шкак шарна, южгынам тиде пашаште шкак пуйто утастоватлен, вес семын манаш, брдыж гыч ончен шогышо энла огыл, а тиде илыш дене кылдалтыше энла живой слог дене кусарыже. „Валериан Куйбышев“ книгагнутре кускарымаште переводчик тиде задачым шуктен огыл. Тидежым эн ондак слогышто коеш.

Переводчик мучашдыме шуко „ыле“ мутым кучылтеш. Теве ик пример.

„Корпусын старший класс гычше мбгыш толмыжо годым, Воля шкенжым серьезный куча ыле, мемнан дене шыман, тыматлын муглана, но модышым пеш шуэн ыштылеш ыле. Тудо садсые улак верыш пурен шинчеш да шуко лудеш ыле.“ Але вес вере. „Шарнем, Воля шукшб ботинке дене толыныле. Мемнан оксана пеш шагал ыле. Авий ачий колмо деч вара изи пенсийым палеш ыле, а мый—изи жалованыйым. Кок шужаремже але пашам огыт ыште ыле.“

Мыйяр шуко „ыле“! Тиде мутым тынар шуко вере почела-почела шындылме дене чынак живой слогым пуштыт!

Южгынам переводчик неопределенностьюш ончыктышо „улмаш“ мутым пеш шуко пурта. Тиде мутым чучкыдын кучылтмо дене переводчик посторонний наблюдательш савырена. Примерлан.

„Валерианым петырыме тюрьмаште сар вастареш агитаций ыштымылан арестоватлыме йолташ-шамыч шукын улыт улмаш. Очыны, автор але сомневатла, вет „улмаш“ мутым использоватлыме годым сайын шоналташ кулеш,

южгынам тиде мутым обязательно вес мут дене васталтыман. Но механически передаватлыме годым тыгай момент-шамыч ятыр вере лиедат, а Куйбышев нерген возымо книгагнутре передаватлымаш—тиде преступлений. Переводышто шагал огыл не точностьюш але умлаш лийдымаш я даже йоршеш йонгыш кусарыме предложений-шамычымат муаш лиеш. Тыгай годым рушла текстыш ончыде иктат, конечно, переводчикшат ок умло.

Рушла текстыште каласыме: „В школе занятия вели они же, а также знакомили население с новинками литературы (ме подчеркиватлена) — произведениями Толстого, Чехова, Горького.“

Марий йылмышке тыге кусарыме. „Школышто нуно шкак тувыктеныт, адак калыклан Толстой, Чеховын, Горькийын пытаргыш произведенийыштым лудын умылтареныт.“ 6 стр. Неужели вара, муглан, Максим Горький 1896—98 ийлаште пытаргыш произведенийжым возен. Вет тиде чепуха!

„Опасный“ мутым „ужасный“ манын кусарыме. А 37 странициште у мут шочеш—тиде „тат“. Адак рушла текстыш ончалаш логалеш. Тиде „момент“-ым означатла умлаш. Тат, значит момент! Переводчик марий йылмым „пойдара.“ Но только советский читатель тыгай понылык деч коранеш, да тудо прав!

Ме переводышто икмыняр ситыдымаш-шамычым ончыктышна. Нине факт-шамыч ойлат, что книгагнутре переводитлыме годым переводчик-шамычлан да редактор-шамычлан ответственностьштым нимынярат лустарыман огыл.

Я. И. Малинов.

Отв. редактор —
К. А. ЛЕНСКИЙ.